

中国公共图书馆古籍文献珍本汇刊·丛部

天津  
图书馆

孤本秘籍丛书

中国公共图书馆古籍文献珍本汇刊·丛部

天津  
圖書館

孤本秘籍叢書

(八)

任繼愈題



中华全国图书馆文献缩微复制中心

# 天津图书馆孤本秘籍丛书八册目录

三吴水利图考四卷	苏松常镇水利图一卷	明吕光洵撰	明嘉靖四十年刻本	·····	一
游西湖小记一卷	明浦昉撰	清抄本	·····	·····	八九
军政备例不分卷	明赵堂撰	清抄本	·····	·····	一〇一
金石著录考一卷	清翁大年撰	稿本	·····	·····	六一七
一山老人史鞏不分卷附改元考一卷名臣略一卷	题清一山氏撰	清初刻本	·····	·····	六四一

(明) 吕光洵撰

三吴水利图考四卷

苏松常镇水利图一卷

明嘉靖四十年刻本

三吳水利圖考序

昔禹抑泮水疏九川陂九澤諸夏又安功施

乎三代自是之後策陽下引則宋鄭陳秦曹

衡與汝泗會于楚西通漢川雲夢之野東通

鴻溝江淮之間齊醜淄濟蜀穿二江於吳則

通三江五湖皆可行舟餘用溉田百姓饗其

利而水利之說興焉子長著論於河渠孟堅

推廣於溝洫而水利之書成焉鄭國始開而

秦以饒足宣房未塞而漢遂不支此其利害

之大較矣吳本具區浦川開瀆吞江納漢出

乎大荒之中行乎東極之外浸莫大焉若夫

壤壇坻埜畛畷帶郭灌注則坳瘠盈鍾壅閼

則腴衍枯粒海陵之儲天府之所仰給也元

嘉肇芋谿之功大業興京口之役蓋地勢西

北高而東南下也其要在於導之使趨故曰

三江既入震澤底定是已矧揚州之域厥土

塗泥易於淤積厥田下下難於障流加之淫

雨告災稽天示逆牛馬莫辨而民其魚乎甲

辰之歲侍御新昌沃洲呂公際靈長之運立

寧晏之朝奉輶軒而來巡緬澄清以寄慨甫

肅吏軌亟求民瘼乃建議陳疏條列五便酌

賈讓之令猷殫及三慮存郊生之往鑿上當

宸衷下協群算詔報曰可言悉施行民罔懟勞

職司惟恪緣撫臣驟遷雖功未克竣而惠亦

霑泱矣間又考迹往牒綜覈舊聞蒐彞氏之

經詳周官之制遠追韓牧近昉謝琛則文

太史氏雅善輿圖窮河源於筆端收祗軸於

指掌草未殺青而瓜代行矣圖置郡齋書存

私篋越歲已未郡守陽曲王君道行承麾蒞

止留心民務周省阡陌勸課農桑每思白公

之遺嘆召父之美因覽茲圖爰購全帙校而

刻之屬序於余其為編也總圖一郡圖四州

圖一縣圖十有八為水二千二百九十有奇

為岸一為堰十壩二十有五閘三十有一各

系以考說凡首疏二次議一以至諸賢論述

名臣奏記並采而附焉缺嘉與湖者以非管

轄之地驟未遑駐也夏書載禹治水而篇名

貢者重邦本也逮公總憲西臺督儲南甸今

日成賦之逸咸昔庠績之勞若心計而預定

焉者經國其有徵乎夫治水必躬歷山川非

三吳水利圖考

妄意戶牖可測而知也以禹之神而不免蹈  
毳即擗者蓋地有卑高土有沃鹵湍有緩急  
脉有淺深勢有迂邇非咨詢相度力曷施哉  
其次莫若智智者亦故而巳謂循禹之舊也  
余嘗登姑蘇望五湖求源於宣歙溯委於若  
荆乃知水由五堰百瀆東滙於三江北折而  
之海白茆七鴉尤咽喉也大都水渟則爲害  
流則爲利洩則不渟蓄則不竭濬則長流而  
後浸漑適宜漕輓稱便弭謗者取喻於防川  
衛生者致察於榮絡合單子之書殆思過半  
矣我

三吳水利圖考序

三

明若夏忠靖公巳試之蹟吳李導之功特最焉  
漢延年之言曰河湏按圖書觀地形今水工  
準高下雖桑海或遷而歸墟則一是編也實  
千載可率之典功與言同不朽云  
嘉靖辛酉夏朔日吳郡百泉山人皇甫汈撰

三吳水利圖攷目錄

蘇松常鎮水利圖 總圖一府圖四  
各所屬圖十九

卷一

四府水利攷總序

蘇州府并所屬州縣水利攷

松江府并屬縣水利攷

常州府并屬縣水利攷

鎮江府并屬縣水利攷

卷二

巡按御史呂 題奏 稿二

卷三

三吳水利目錄

水利工計議

卷四

古今書奏論議 自宋元迄今  
凡二十有二

























